

Njetraš\* šerjenjow so bojeć wšěch,  
Kaž so bojeć žonow zlych;  
Zwita hlowa, žona zła  
Kóždy čas je přez djabla.

Pěkna žona, ródna, rozymna  
Je pak wjes'le žiwjenja,  
Tajkom' dobrom' jandželej  
Ničo w swěće runja njej'.

Pěkna žona, zlutna, džělawa  
Kóždy dzeń će wozboža;  
Tajkich dobrych wjele je,  
Ale hdže? — njej' pisane.

Rjanosć, kubło, řeč a wašničko  
Je jich wjele zjebało;  
Štož su slepje hrabnyli,  
Njejsu wjacy wotbyli.\*\*

Duž do sluba, kwasa wobhladaj  
Swěru so a njekhwataj —  
Kóčku w měše dostawa  
Něchtóžkul'ž za hołbika.

(1843.)

\* Skrótšene z: njetrjebaš.

\*\* 1. recens.: Njeje dobra wutroba, Dha to ničo njepomha.  
2. recens.: Štož su spicy hrabnyli, Za čwilu su skhowali.

